

容

齋

詩

集

容齋詩集卷六

綿上茹綸常文靜

菊隱小草

柔兆闢茂強圓大淵獻

雖非淵明亦同此好花時索之知交購之老
圃羅列疎齋陪對彌月與敦晚節頗事吟哦
菊隱之稱殆實錄也

送魯學山入都

十年我亦夢京華羨爾行春白鼻駒莫惜到時燈
市罷馬厓還合看唐花

題毛趾菴從事小照二首

灼灼夭桃花濯濯春柳枝會心詎在遠寫此青雲
姿借問蓮幕選何如庾杲之

幾載切潮游披圖愜心寫愛此泉石間一卷坐堪
把小山未須招君真吏隱者

漫興用西郊韻

穠花無賴伴春愁斗酒還堪與婦謀從古文人爭
驥尾只今名士笑龍頭形骸土木猶中散鄉里浮
沉馬少游莫爲閒情重惆悵一編聊復事冥搜

卽事次西郊韻

小雨桃花落輕寒穀雨過澄懷觀物化隨意狎鷗

波去自己如此後時將奈何瑤華真可贈莫惜起
予多

西郊頃得潤毫物頗夥仍以所餉酒肴招
飲二三同志而未及予因戲調之

古人重碑板欲借垂不泯一字且一縑輦酌義亦
允迄今幾遞遷此風竟衰寢不文固可羞其細更
堪哂遂令君子儒賣文常自窘彥昇誠作者對茲
口欲噤詎知諛墓工朝來羅幣錦持或慮劉君饗
還想殮脰側聞招故人食指徵已審何予如公榮
乃獨不與飲

雨中遣興四首

好雨欣沾漑涼風散鬱蒸已封空戰蟻遠集失飛
蠅銀葉分香尉清樽憶酒丞底須憎襍穢心境自
淵澄

門外泥仍滑幽居興自偏連雲看洗硯帶雨聽烹
泉遐思杳烟水喧聲隔市廛閒吟赤脚句高枕北
窓眠

最愛登高處空濛四望間天光疑向晦雨氣欲沉
山水鳥飛仍下漁蓑釣獨閒料應無客到隨意掩

松關

自顧爲人淺

摩詰句

浮沉愧此身得天同散木涉世

類勞薪懶慢從漂麥風流憶墊巾太平忘帝力

一擬葛天民

九日蘭谷招飲常樂新園用西郊韻

酩酊期將佳節酬園林景色更清幽誅茅已復增

新構看竹還堪續舊遊

予昨歲曾訪主人於此

晚蝶飄零經

宿雨

唐彥謙句

暮鴻嘹唳入深秋不須預說明年會且

自黃花插滿頭

凝齋齋中食鱗漫成二首

爾雅空聞悞蔡謨輪囷誰遣就寒蒲但教不負持

螯手底用監州問有無

小車鳴路憶天津

竹垞咏辨詞津門水市無人問聽軋軋小車鳴路

半殼

含黃咀嚼頻風味一時君記取菊天新酒最宜人

同作

大廩

有匡却無腸咀嚼快人口束縛固可憐橫行亦已久

堆盤何磊落風味儼江湖螯跪差能辨粗疎笑

蔡謨

咏菊十六首

人皆愛彭澤吾兼訪勾漏朱文解駐顏直出九華

右丹砂

萬卷

漫疑象珠火曾識白毫未岸噴出寒叢西邁瞻紫

氣

老君眉

或從西域得乃向東籬看詎必勝醜醜落英良可

餐

紫蒲桃

濯錦明素秋幻疑出丙穴何須密網張細瑣勞采

擷

黃錦鱗

具此凌霄姿翻爲耳目玩寒叢欵接羅氈氈惜歲

晏

白鶴翎

傲霜有佳色臉際看同好不須木末舉兩餘深院

老賽芙蓉

漱澗茱萸酒紛披
婪尾春試看三徑外
疑有堊巾

人兩中芍藥

老圃容吾傲
踈籬羨彼姝
淡妝聊自愛
肯問入時

無美人救

正色唯推黃圖經
復尙白冶容
視二喬菊中殷紅

色者名詎能嬌高格秋色
二分

透日光初勻
冒雨色新濯
此中有化工
詎容完太

璞玉玲瓏

猶憶霓裳舞
秋風傍砌栽
醉顏倍惆悵
倦倚夕陽

猛虎行

萬竅怒號朔風勁猛虎食人斲人脛後有狐假前有
俚于爾較量視苛政快心但解恣爪牙轉瞬安
知落檻井我聞在昔書循良爾虎渡河避賢令

晚步口號

抄手閒吟背郭門斜陽鴉背入黃昏綠楊一帶周
遭處幾點炊烟馬女邨

爲張雪亭題畫魚卷子

我生每自笑緣木墨鱗乃見三十六就中有鯉復
有鯽千點桃花縵半尺旁連荇藻清且漣活東白

小何天然畫師應許誇前身娟娟况復今無倫我
聞龍門積石崑崙水拍天時有風雷起又聞北溟
有魚名曰鯢其背不知幾千里洪濤巨鯨有若斯
涉筆胡爲寫清泚君不見濠梁游魚樂有餘東海
波臣涸欲死世間萬彙苦不齊何似空齋卧對此
噫吁噉升斗之澤安可期風波之險誠堪悲秋來
鱸膾肯命駕君家季鷹真可兒莫信中山千日酒
昔日襍兒今老醜相逢彈鋏漫興嗟一笑爲君賦
麗齧在昔嚴子陵羊裘石瀨只釣名亦有陶朱公
五湖水畜擅奇羸偶披圖畫倍惆悵一時空抱臨

淵情巨緇惜無十五牯更煩重繪鑄與龜長歌賦
就意慷慨寄君雙鯉勞君烹

立夏日咏齋中芭蕉二首

半拆芳心入夏新綠天瀟灑稱閒身只愁草聖翰
懷素十指如椎可笑人

青帝行春昨已歸綠窻留蔭暑氛微日長一枕堪
迷鹿莫遣巡檐燕子飛

悼魏書巢

聞君化去已兼旬回首那堪淚滿巾丹旌祇書前
進士青山猶憶舊詩人一時頓覺風流盡比歲空

驚哀挽頽

秋稼望林
皆先君及

不待黃公鑪下過始因往事

暗傷神

枯魚過河泣

朝充河伯使暮登枯魚市寄言鯉與魴莫輕失所
待

中秋

庭柯肅肅靜商飈絃管憑誰破寂寥參負腹底會煩
議蟹妄言聊復解彈蕉敢將玩世希枚朔幾許交
情效札僑賴有故人堪晤對時從佳節一相招

是日

招同人

小集

初秋遣懷有懷同學諸公四首

幾日餘殘暑鳴琴坐夕陰
蟬聲來遠樹花氣襲幽襟
東郭空懷思西園已罷吟
明朝試拄笏一望碧山岑

最愛南窻下炎蒸更不侵
清風來竹吹新月下桐陰
舊感山河邈時聞書集計
書空歲月深瑤華如可贈

一慰索居心

暫携湘竹扇偶語夏蟲冰
久雨苔初長新秋水乍澄
孤情寧自信多口復誰憎
獨有停雲思時堪寄刻藤

似昔元卿徑相將觸熱過

癸未甲申歲每借諸明同人過半壁山房

燈張綺宴驟雨落秋荷同社人誰在

文茂才望林魏進士書巢

皆樂與社中人今并下世

清音和女多

子于半壁山房屢和那西郊早秋卽事諸詩那

堪回憶處惆悵視星河

訪蘭谷佳興園覓菊畱飲晚携數十本歸

率賦六首却寄並簡西郊田夫帷園

佳節相催又授衣一樽叢菊醉斜暉名園秋色渾如許肯使奚奴素手歸

夾路爭看檐上花入城滿百是烟霞

釋正

列仙莫

道無由贈移種新從靖節家

也似山翁騎馬回詎同杜老覓桃栽一管消得長
鑿力已向東籬作意開

風雨空庭伴索居花間端合着潛夫新詩試問潘
邠老可有催租敗意無

漫向墻東憶隱淪好從老圃乞閒身來看莫便攢
眉去空色還堪淨六塵

田夫有
逃禪圖

高卧荒邨歲月深元卿三徑幾相尋只今桃李禮
華謝晚節誰知獨處心

酬容全

大廩

才盡文通吟興灰况當塵務撥難開卓錫却幸

寒家絕何處催租敗意來

君以予久不作詩有題詩試問潘邠老可

有催租敗意無之句

九日蘭谷招集佳興園漫感二首

紅葉黃花取次妍一時裙屐復當筵興酣無物酬

佳節老去悲秋憶昔賢未信酒杯堪送日忽看詩

句已經年

壁間有西郊及予去歲九日譙集之作

低徊不盡登高思

細數飛鴻落照邊

醉把茱萸意惘然已甘邱壑謝羣賢高談我自慙

騁衍肆志誰人似魯連

時座客有老遭坎壈而意氣豪邁不減曠昔者予甚

羨之詎必縶維皆駿足大都騰上卽鳶肩年來獨有

看花癖每過城南尺五天

數日前會訪
主人覓菊

對菊簡西郊

落葉踈籬滿，蕭然逸思添。
幽花方爛熳，小雨忽廉纖。
已惜三秋晚，還看一笑拈。
料應孤館客，兀坐讀

楞嚴

數日前向予
假楞嚴經

重陽後六日劉孝廉蘭若馬上舍銳之魯
明經學山牛茂才映垣李茂才遂田過一
笑山房看菊小飲漫賦二首

秋深天宇廓，地偏人事少。
誰從問奇字，或復題凡鳥。
詎意來羣賢，入門輒傾倒。
落葉步蕭疎，黃花坐

窈窕舊雨聯襟袍新交訂紵縞品高鳴鶴望藝振
士龍藻典墳共讐校詩篇恣探討松塵罷劇談袍
尊覆清醪草木會有時歲華悵將老人生苦形役
幾能謝憂悄感茲東籬興委心向塵表莫愁短景
昏霜月三五皎

我非效古人愛菊若彭澤彭澤聊寄興而我更成
癖或自名園求或從老圃索獨此籬落間轉移成
逸獲離離映中堂幽芳羅咫尺相視澹懷抱促坐
永今夕于焉餐落英快哉浮大白千百傲霜姿三
五不速客偃仰隨意陳嘯詠興轉劇城市頓覺殊

遲暮詎可惜白雲佐怡悅黃金供採摘記取重陽
時風光莫虛擲

帷園田夫邇年寄懷高曠頗廢吟咏予不
謂然暇日偶檢香山渭南漁洋竹垞集因
不揆鄙拙率題四首寄之

已見詩豪推夢得更聞才子說微之何如廣大香
山老垂老重編半格詩

射虎南山落日黃歸來劍外更堂堂與酣自賀揮
毫健萬首詩篇累百觴

漫從河嶽溯英靈蠶尾猶餘舊典型老去真看詩

律細風流誰繼石帆亭

過江吾愛小長蘆綴玉編珠得似無最是老來餘
結習幾曾吟卷廢桑榆

書近詩後簡帷園

贏得黃花伴酒樽浪將詩句向人論高懷輸與帷
園叟風雨深邨獨閉門

題帷園桃源問津圖

山水方滋老莊告退渺渺仙源乃聞勝槩紅樹青
溪草花映暖何物漁人得窮幽遂阡陌交通雞犬
鳴吹自謂秦時安知晉代千載于茲問津難再曰

有日無空勞辭費君慕沉冥夷視塵世解組歸來
雅繪高寄誦桃源詩讀桃源記置身其間別有天
地艤舟翛然落英春吹栗里淵明南陽子驥我披
斯圖永懷遺契

又題一首

靈境千年闕穠華萬樹舒何如彭澤宰竟似武陵
漁

題帷園南游圖四首

手板閒拋謝熱官漫乘春水到江干羨他小住香
林客直有名山挂席看

越角吳根幾逗留好將圖畫記曾游江花江草渾
相識莫便輕帆過石頭

約畧青溪舊板橋吳娘暮雨唱瀟瀟何當更覓餘
杭酒淡粉輕烟話六朝

我亦烟波舊釣徒麋城虎阜憶姑蘇他年倘有浮
家約便合從君住五湖

歲杪遣興和西郊主人

春信梅花幾逗留紙窓縵几儘清幽擁爐閒撥通
紅火引鏡驚看半白頭尙學兒嬉簪綵燕已嗟身
事膠杯舟輪君閉戶真長策短檠殘編自校讐

原作

大廩

牀頭淨拭烏皮几，墻角香開綠萼梅。
差喜紙窻明曉日，旋添爐火撥新灰。
哦詩老髯憑雙禿，貯酒愁腸免九迴。
綵勝桃符須預備，殘年風景又相催。

次韻和月峯主人雪中過帷園別墅之作

最近東頭似白家

樂天詩地偏坊遠巷仍斜最近東頭是白家

已甘小

築謝鉛華故人偶過妨高卧，掃雪閒烹日鑄茶。

容空詩集卷六

十四

容空詩集卷六

容叅詩集卷七

綿上茹綸常文靜

鄴中集 著雍國

鄴下之役事非獲已矧所與接者率營什一
羈懷俗况畧似燕游詩笈所存暨道途往返
抵家後詩並附焉時戊子夏四月也

將之鄴下雨別諸故人

折柳勞相贈離亭落日斜
百端家累重千里客途
賒惜別憐交誼傷春感歲華
愁看芳草色迢遞遍天涯

南關

峭壁巉巖路幾彎斜陽羸馬駐南關衝寒更有登
臨興眺盡荒林數疊山

武鄉道中憩蕭寺

寺古經過少淒然旅思增亂山餘積雪流水咽春
冰景物憐新茂風塵愧老僧夕陽鈴語急猶憶佛
圖澄

宿禳亭

行行向銅鞮停驂日已暮故宮迷衰草殿已憐廢
成蕭疎野市散炊烟寒雨對山色橫入耳河

聲怒蓬牖鳴霜風徹裘凜寒江老幼前致詞雜坐
羅箕踞崔奇事云往媿媿動虛慕我姑妄聽之幻
誕憑會附魯酒澆客愁一醉復何慮僕御頭觸屏
欲眠君且去須與東方白束裝戒前路

襄垣道中

新年事行役霜飈苦料峭積雪出峻嶒流澌入杳
窅徑僻寡人跡林昏雜虎嘯虎和霸圖空蒼茫感
憑弔世途兼險夷中懷絕欣悞所嗟我馬瘖無以
任遠道棲息望茅店荒村下返照

黎城道中

盤空入鳥道風雪慘征顏雲氣連前嶺河流繞斷
山鬢從新歲改雁及早春還小駐憐孤戍迢迢遠
市闌

秦縣道中

客路冰霜重孤征嘆孔艱千秋懷潞子一逕入壺
關馬首余吾驛城頭抱犢山故鄉回望處風度愧
塵顏

早發

一天殘雪滯征轅漠漠春陰四野昏最是銷魂河
北路落燈風裏過和邨

南窓卽事有懷故園諸同好

梅子榮疎柯柳絲綴修綆臨風理書帙開窓散花
影坐久塵慮消淡然杳人境故廬汾水隈似此亦
秀整竹塢夜分茶茅齋朝說餅錦鱗何遙遙素心
徒耿耿他時西園游莫惜燭屢秉

感事

冰雪難教淨俗腸輸他鮑老復當場已看大厦新
來燕莫悔中山舊縱狼世事真看高枕謝物情寧
解善刀藏底須更學邯鄲步好遣風懷近酒觴

謁韓忠獻公祠

宋運凝休日天生社稷臣清漳同汝濯嵩嶽並龍
嵒經畧威名重台衡相業隆從容持大議調護洽
深宮學術消矜伐哀榮備始終固堪齊富弼真不
愧姚崇白簡嗚司直青苗嘆匪躬雲常疑五色道
已失三公署牒欽遼使遺祠感鄴中蒼碑荒鬼雨
老樹擘神風六一文章在烟霞畫錦空塔除承鼠
跡俎豆走邨童嗣已今爲庶靈應昔與通重經肅
瞻拜懷古意安窮

春日同諸弟游郊外歸而有作

草色銅臺路鴻泥記昔曾孤城傳置甲片石問韓

陵望遠情難極停雲賦未能空憐羣從在同被擬
姜肱

相州懷古

橫梁雄圖賸切灰荒原何處覓銅臺三分獨應當
塗識八斗羣推子建才東注河聲仍浩蕩南來山
勢自崔嵬分香賣履人安在疑塚累累亦可哀

白髮

比歲驚詩瘦從人笑酒悲那堪明鏡裏又見鬢成
絲

獸耳壺詞

我生嗜古久不渝收藏乃得獸耳壺蒼然古色看
不足閒中爲繙考古圖盃虺舟彝盒簋白敦鬲罍
洗罍罍觚如斯類頗不易辨况復剝蝕文模糊五
陵豪右多贖物每示座客成軒渠千金敝帚供浪
擲骨董往往致負逋甚者以此忤權要不測禍且
生覬覦大巧曾傳倖齧指下愚寧解牀剝膚蚩尤
饕餮古所戒遠觀誰復無牽拘似我構求本無力
家傳惟此兼圖書雷回蛟螭鬱光氣神工良冶知
昆吾青綠黯淡歷井口瑰駁隱見縈朱漆咫尺鴟
蹲修可擬彭亨豕腹形堪模劫灰久已迷世次霞

靄時還生座隅年來萬事付蓬柳豈復區區寶康
瓠君不見滄海遺珠混魚目崑岡美玉同玳瑁此
壺與人初不異隨其所遇氣象殊蠟屐聊爾同玩
物障籠無亦非吾徒位置常愁逢惡客磨礪反恐
遭庸奴巧偷豪奪亦何謂摩挲對此三嗟吁豪傑
之士世固有商周之器今寧無所媿博雅鑒賞非
歐趙坐令此壺聲價同盤盂

龍泉窰枕

柴窰碎片皆可寶汝州光澤流瑪瑙白定有芒官
哥興生二龍泉亦復好足背鍤色含青瑩百圾破

暑殊阿兄下此紛紛不足數近代競尙惟宣成宣
成佳器最纖麗三百年來風未替艷質輕明殊有
餘古貌厚重翻難逮君不見宣宗戲金蟋蟀盆悲
歌慷慨吳梅邨又不見成窰芳草闌雞缸鄭重臚
列青吟堂似此澄泥與范土亦復茫茫閱今古珠
襦玉匣宋諸陵麥飯那堪溯簞簋玩物更爾時摩
抄木榻相對生咨嗟緘函封固固無謂何如滿挹
盧仝茶

弔謝茂秦墓

眇目山人往詩名漳水長交遊愧七子恩禮問諸

王誰惜虞卿老

誰惜虞卿老去貧
滄溟寄茂秦句也

堪憐古墓荒

亭今不作惆悵對斜陽

吳江計改亭
會修謝墓

求崔後渠先生著作不得悵然有作

三百年於此高名青史垂家風宜繼美文字豈居

奇

聞先生集在遺孫某處秘不示人
必數十部獲重價始容板印

傳世公無愧

耽書我自癡李何堪並軌惆悵憶洹詞

評者謂先生洹詞不

獨文筆工也其詩
實可與何李方駕

偶感

澆愁空有酒盈觴歲月消磨賦拍張一卧經春人

病渴臨邛誰解重貲郎

幽州馬客吟歌

多金橫鄉里去作洛陽賈歸來署新衙公然謁府
主

留別諸親知

物色憐征軼關山悵落暉一春留小住千里送將
歸芳草榮鄉思楊花惹客衣西陵回首處雲樹正
依依

歸途感舊

雪花如掌夢曹騰重戴吟鞭感夙興記得麓臺山
下路春風茅店近燒燈

輒傾倒詎味殊酸醜或音賞窈渺試覆掌中杯
喟然誦二鳥

原詩有兩鳥鳴和之句

題霜紅龕集後

辛苦南冠老悲詞動鬼神風塵無俠骨湖海有畸人
結客黃金盡逃名白社類底須高士傳始許識沉淪

題蓮洋集後

幾許金門客詞華孰與京嶙峋連嶽色浩蕩挾河聲
竟以布衣老空存徵士名平生知己感低首謝

宣城

謂漁洋山人

漫將二首

漫將見慣笑司空西宿誰能更食東底似齊奴金
谷艷舞裙歌板付玲瓏

漫將幻誕付鷺籠事後應知面發紅莫笑齊家真
寡術癡孽方許作姑公

容齋詩集卷七

容叅詩集卷八

綿上茹綸常文靜

言息廬詩

著雍困敦

斯晨斯夕言息其廬固倦遊後所樂誦也吾
愛吾廬以詩繫之

擬織

擬織同心苜還成連理枝却憐紅豆子全不解相
思

憂旱

三春乏膏雨入夏復狂颺浮雲數片度曾不蔽驕

陽隴麥半槁死秋禾寧可望市價早騰貴仰屋彌
堪傷側聞究與豫頗亦患流亡蠻徼況不靖兵氣
纏機槍窮民輸井稅何以供輸將蒿目賦蘊隆直
欲叩天閭

夏日漫感

不律閒操謝冶遊一樽狂興伴登樓輕風漲綠抽
山麥小雨蒸紅破海榴少見腫方驚馬背多愁白
更說烏頭年來擲效元真子弱水徒聞隔祖洲

卽目

成團蝶過東墻東雨餘吹面交天風梅子微黃蕉

葉大開看小院玫瑰紅

次西郊口占見簡韻

經旬勉謝客頗無觸熱侵所嗟早既甚杲杲破朝
陰獺祭視義山近同西郊有次義山無題韻詩禪悅思道林因君
白雪調拈毫得會心載好檐外鳥亦自相辭吟

原韻

大廩

花叢語幽禽絕無暑氣侵密雲爲遮日不雨但
垂陰清香隨風來如入薜蘿林睡餘茗初熟一
甌愜人心於焉念之子毋亦事哦吟

又賦一首

崖蜜已能熟梅雨幾曾侵芭蕉乃葉大愛此數尺
陰清幽消永日如坐池上林颯爾聞天籟穆然生
道心偃仰適佳賞披襟還一吟

疊前韻二首並簡帷園田夫

道力頗能勝遂寡塵思侵坐久忘酷暑日斜澹遙
陰馳逐翰墨間偃蹇詩書林以視精東隱無乃笑
嘔心況此強相晤疊和陽春吟

蒲觴對朝景感茲時序侵頽然一榻間乃夢古槐
陰帷園半壁山房有古槐
一株同人多觴咏其下憶昔從王後把臂同入

林胡爲欲忘忘言蘭臭占同心與君試堅壁催取橫

槩吟

復疊前韻答西郊主人再簡惟園田夫

我生早失學况復百憂侵
美木傷多陽美草傷多
陰縱使不瓠落何能望
鄧林譬彼適遠道敢忘希
驥心擁鼻數程效幸無呵
狂吟

兩公如上駟軼足絕塵侵
應知少壯時更惜分寸
陰夙望張吾軍高華振
藝林相煎作謔語自侈猶
童心豈日張筆處不若倚
樹吟

雨中雜興

雲脚如麻暗不開
坐看飛雨覆深杯
經旬差喜無

殘客一帶南墻長綠苔

繭紙初成喜雨詩
藤床槩几鎮相宜
更憐夾竹桃花好
欲剪驚溪寫折枝

結習依然未破除
邇來佳興定何如
閒中別有關心事
小謝詩篇大令書

新荷初拆膽瓶香
雨氣南窗散早涼
劒脊細研龍尾硯
臨池閒仿十三行

卧聽瀟瀟打葉聲
連宵風味落桃笙
却愁久雨禾生耳
甲子逢雌乞快晴

葵

詎必矜殊色，傾心向日繁。
智誰輸，足採或慮傷。
根肉食寧知此，田園得偶存。
還慙風雨好，隨處荷天恩。

復雨簡西郊

濕土乾星昨夜看，闌風伏雨暗松關。
只今幾日堪銷夏，却失牆頭數尺山。

新竹捎檐石，蘚斑積陰差。
喜廣庭間，街頭展齒愁泥滑。
正要詩筒數往還。

雨後卽事用東坡清虛堂韻

門外小車鳴，晴沙吾廬亦自喧。
蜂衙萬綠叢中見。

婉嬾一枝紅破山丹花
蛎涎蚓糞復狼藉蓬蒿疑
是仲蔚家插架每分老書
蠹臨池時許塗墨鴉卽
此頗足慰岑寂何須聲伎
侈紛葩冰瓊留翠傾芳
醪風鏤細乳烹新茶驚人
愛吟彌明句解穢快聆
禰衡搗古人不作餉糟粕
閒中往往勞搔爬富貴
快意固無論文章憎命寧
堪嗟目前佳景致足樂
暮虹天際明殘霞

同作

大廩

落黃點點淪泥沙
幽居過雨空槐術
巡籬朝來
一檢驗惟餘幾朵忘
憂花着鳥誰過蔣詡徑叩

門君到盧全家我時正寫寄君作手顛真如塗
老鴉詩惡字劣初不哂尚謂逸麗紛奇葩金玉
忽爾出長袖香味直欲爭清茶憶昨霖雨滴簷
溜知是痴龍遭鞭撻甚思面君不能訪如彼背
癢無由爬卽今相見詩互讀猶然一嘆忘咨嗟
彌月積懷言未罄遙天暮色蒸紅霞

卽目

空庭溽暑未全收墻下淥淥水亂流却愛踈花有
秋意一籬新蔓引牽牛

送妹倩郭帝揚叅戎之任武昌二首

鄂渚風雲擁去旌，雄才真許請長纓。
六符日曉明虹旆，萬馬秋高肅虎營。
運甓好尋陶侃宅，乘槎初下呂蒙城。
五陵同學休相問，君切與余同學人，以羸弱多不料其至是。
誰識胸藏有甲兵。

鵬冠幾載侍長楊，新奉皇宣鎮武昌。
落日龍墀悲鼓角，當關虎豹重金湯。
雄姿英發周公瑾，羣從才名馬季常。
獨有親交情最切，相思遙許望江鄉。
對菊口號寄西郊。

粲粲黃金花，尙堪供采摘。
花開君不來，好景良可惜。

九日用韻 齋兼簡西郊

西郊詩有憶昔年棘園語

時值報罷故五六歲及

清興難禁落帽狂 西風關塞草新黃 百年且喜君

無恙

齊詩有憐病日之句

九日還憐菊有芳 任彼冬烘愁

擲甕輸他 邈邈醉揮觴 如何得失渾忘却 與客閒

幕對廣羊

秋夜次西郊韻

獨坐秋宵迥 頻看蠟燭紅 咽蛩疎砌雨 墜葉短檐
風 世事慚膠柱 生淫笑 轉蓬更因驚 歲晚愁對菊
花叢

有感二首寄西郊

虛窓燭盡漏沉沉兀坐難禁百慮侵塵事幾番勞
踟躕故人屢月廢招尋求魚豈遂思緣木膠柱猶
然待賞音却笑文章未諧俗頻年空和郢中吟

前西

郊有檢近歲詩稿多
與予唱酬見贈之作

已分窮年老蠹魚操觚常自到宵餘但聞揚子矜
奇字詎料南華是僻書入世無機聊爾爾逃禪有
味亦如如眼前多少能文客豈待貲郎賦子虛

同田夫西郊夜坐

時共閱晉兩
徵君詩鈔

景短苦難給宵長頗不耐二老得相過一樽此復

對清言傾積懷奇文共津逮邁洋固仙才李蘇足

遙配

謂吳徵若天章

霜紅更隣响詩外有事在

謂傅青心主先生

賞輸我曹耳食任餘輩真教慰孤迥且喜絕塵礙
梅影傍憲橫燭花近壁暖坐愁漏頻催歸料犬迎
吹良會倘能繼莫辭杖履再

大廩

子猷興殊佳約我同訪戴昏黑到山房一笑宛
相對聞香林實幽聽聲樹間在一尊相與論兩
雄堪作配霜紅擅風格邁洋謝雕繪輕薄憐爾
曹別裁還我輩燭跋驗宵深街頭巡鼓再歸途

寂無人只恐金吾逮

晚過西郊不遇有詩見寄次韻答之

夕照欲西沒空堦鳥下頻經冬有殘菊窺戶少聞
資書卷難諧俗詩篇迥絕塵阿戎固可語寧慮候
門人

原韻

大廩

偶出遲迴久歸來惆悵頻候門誰作主烹茗失
畱賓徒倚空庭暮憑依小案塵乘閒能再過清
話慰陳人

重訪西郊有詩見示仍用前韻奉酬

相思歲暮積高館往來頻
竟夕對窻月清光娛座
賓此中消鄙客何處着
埃塵更有心期在從君
問
鑄人

大廩

展待方慚缺經過不惜頻
昨空思雅範今竟接
嘉賓重疊看君句清新
滌我塵莫愁歸路黑
明月遠隨人

覓得黃梅數本生意猶未暢也
凝齋遣伴
見索因贈一株拙句佐之

磬口檀心待臘看漫教持贈比
琅玕他時疎影饒

生意好向幽窓伴歲寒

何將軍行

何君道深靈石人由 侍衛出爲貴州遊擊

將軍戊子歲從征緬逆歿於陣奉

旨入昭忠祠予祭葬予舊識其人因爲詩哀之

猿臂將軍萬人敵日侍甘泉執戟立幾年 恩許

鎮施羅共羨登壇未三十一朝羽書促征南健兒

十萬控弦集蠻烟瘴雨陣雲深鬼窟金沙烽火急

靴尖直可覆賊巢奪塞功高竟深入時連得賊轉

戰千里尙因糧奮臂一呼共飲泣裂背死望賀蘭

兵時待救未至斷頭將軍誰能及昭忠從祀何煌煌俎

豆鐘虞羅兩廂予祭予葬道相望以上史館堪流
芳魂其歸來返故鄉君不見閩外幾人死於法何
如奮不顧身赴敵場又不見牖下幾人徒老死何
如馬革裹屍爲國光嗚呼小醜跳梁促滅亡將軍
一死真堂堂

冬日集女爲齋中限心字

愛爾草堂靜佳招集素心嚴城聞畫角斜日下寒
林蠟屐風塵遠青瑣歲月深酒闌仍半醉更許撫
長鐔

隨分盤餐具相看遲暮心違蒿人語迴冰雪紙窓
深共此短燈檠還爲遙夜吟誰能更儕俗與世學
浮沉

共有耽書癖何妨竟陸沉酒狂寧計戶詩瘦復愁
吟楸實香濃澹梅花意淺深諸君矜尙論猶見古
人心

莫問鼙鼓遲徊此盍簪已看成白髮不解作黃
金近市韓康隱窮途阮藉吟相期厲清節無負歲
寒心

隨分園雜詩十二首爲愚亭刺史作

幽徑

境僻滋苔紋樹深聞鳥哢開徑寂無人相從有羊
仲

無喧廬

襟懷固冲穆意致亦閒冷吾更愛吾廬翛然杳人
境

響葉堦

肅然秋氣深空堦感莽蒼清風時一來微聞落葉
響

迎素廊

空影映修廊流螢時復沒渺渺視予懷可能寄明月

葦籬

草率詎稱筓耐久或輸槿秋來花滿籬莫辭添竹引

望亭

朝飛雲氣白暮挹山光青舉頭望天外吾以名吾亭

片石山

此則吾不能拜亦吾所慵借此一卷石當彼萬丈

峯

勺沼

固知我非魚濠樂與自在只此一勺多浩然涉滄海

一步橋

溯洄我所思乃在水之滄望望暮約存誰謂不盈武

咽蛩欄

寒蛩暗不語寂寞成幽賞日暮獨凭欄忽復聞淒

響

臥齋

初日上北窓啼鳥欣相和詎必耻折腰羨皇自高
卧

薜荔墻

漫擬臥墻東薜荔看交織密雨復芊眠愛此瀟湘
色

長至日示內人

凜冽冰霜歲暮情五絃曾否驗陽生庭梅近臘垂
垂放家釀當杯細細傾季女儘教誇浙臉鴛人固
自解秦聲捉將官裏還煩慮識字猶能記姓名

題帷圍樂府並咏史諸詩

炙硯北窓下初逢寄刻藤晚烟沉白月夜氣入昏
燈鬼域真難狀苞苴固可憑知君霹靂手未肯摸
床稜

雪夜

沉沉雪夜燈花黑鴨爐灰冷寒威逼擁衾不寐卧
亦佳閒看窻紙生虛色風味何須似党家如聞玉
戲天公誇釵頭香茗復須此明朝冰柱吟劉义

晨霽冒寒訪家兄文字不遇獨坐曠怡軒

中漫題二首

傲裘歲晏惜蒙戎側側淒寒凜朔風獨坐小窻當
雪霽爲君試手咏龍公

雪花猶自壓簾旌侵曉矐矐潑眼明最是閒居尋
舊約對牀無語憶彭城

題鍾進士圖

終南進士掀于思腰笏巾首何冒彰目光的皜西
字臉

見宋人
貴耳錄

牙齒棧齷鱗文肌畢方魃蠅趨左右

更欲啖之觀朶頤一車載固象可取九鼎鑄寧形
無遺但聞送彼有韓愈幾能役此同左慈况復樵
悴不得志擲掄反爲鬼所啜人世彷彿黎邱幻蚩

出所在多行屍新鬼故鬼安足辨幽巖難共拘墟
推拔圖摩挲一慷慨眼中突兀真離奇深墨應師
聖子畫放筆擬效廉夫詩底須情狀驚醜惡痛飲
直酬千畝犁嗚呼君不見昔之聖者若蒙俱談笑
慎無易老馮

季冬望日集隨分園漫感二首

世事恒沙盡年華小劫侵白頭江總在淒語感人
心

風景催殘臘情懷憶往年坐憐今夜月一十二回
圓

謝西郊惠筆墨二首

狸毫詎似三錢筆，雞距直堪五色箋。只恐宣城難
入用，遣還翻使笑公權。

易水名家舊絕倫，分來劍脊比璘珣。牙籌蠟屐都
成癖，莫笑臨池啜汁人。

原作

大廩

手顛年來硯已焚，峩冠閒殺中書君。不如持贈
郇公好，斐几霞箋署五雲。

家藏蒼壁未爲貧，分與雲煙落紙人。畱取揮毫
餘汁在，爲余帖子寫宜春。

時方乞
書春聯

再戲簡一首

元香大守管城公鄭重齊過一畝宮終擬禪空埽
支字何須更待石虛中

除夕次西郊韻

暮景催除夕風光判舊年倦懷方雜遝鄙事復牽
聯客索宜春帖兒求壓歲錢相看司命醉亦自入
酣眠

除夕酬西郊

潘璋風味相憐日賈島生涯自祭時此夕與君同
一笑年華消得百篇詩

題容叅戊子詩後

大廩

翻水成來筆有神
冰甌滌滌絕纖塵
猶疑太白前身在
或是坡仙得替人

亂山流水語天成
結客逃名善寫生
千載文房呼不起
五言又見一長城

玉溪心事托荒唐
雲雨何關艷楚王
老減風情空學步
却教綺麗擅冬郎

予與君各有無題次義山韻六首而君詩

最

丁
老夫說鬼亦差能

說鬼老夫能王阮亭句

伯有彭生錄盡

登獨夜吟君奇詭句
恍然風雨暗青燈

容叟詩集卷八